



ს ა ქ ა რ თ ვ ე ლ ო
ქალაქ ფოთის მუნიციპალიტეტის მერია



ბრძანება:ბ42. 422417122

თარიღი:19/06/2024

ქალაქ ფოთის მუნიციპალიტეტის ადმინისტრაციულ საზღვრებში რეგულარული სამგზავრო გადაყვანის ნებართვის გაცემასთან დაკავშირებით კონკურსის გამოცხადებისა და გასატარებელი ღონისძიებების შესახებ

ქალაქ ფოთის მუნიციპალიტეტის ადმინისტრაციულ საზღვრებში რეგულარული სამგზავრო გადაყვანის ნებართვის გაცემის ფასის განსაზღვრის, ნებართვის გაცემისთვის კონკურსის ჩატარებისა და ნებართვის გაცემის ფასის გადახდის წესის დამტკიცების შესახებ" ქალაქ ფოთის მუნიციპალიტეტის საკრებულოს 2021 წლის 13 აპრილის N5/10 დადგენილების, საქართველოს ორგანული კანონის „ადგილობრივი თვითმმართველობის კოდექსის“ მე-16 მუხლის მე-2 პუნქტის „ლ“ ქვეპუნქტის, „ლიცენზიებისა და ნებართვების შესახებ“ საქართველოს კანონის 26²-ე მუხლის, "საავტომობილო ტრანსპორტის შესახებ" საქართველოს კანონის მე-5¹ მუხლის პირველი პუნქტის „ა“ ქვეპუნქტის და 5² მუხლის მე-2 პუნქტის შესაბამისად

ვ ბ რ ძ ა ნ ე ბ ე:

1. გამოცხადდეს კონკურსი ქალაქ ფოთის მუნიციპალიტეტის ადმინისტრაციულ საზღვრებში რეგულარული სამგზავრო გადაყვანის ნებართვის გაცემასთან დაკავშირებით.
2. ქალაქ ფოთის მუნიციპალიტეტის ადმინისტრაციულ საზღვრებში რეგულარული სამგზავრო გადაყვანის ნებართვის გაცემასთან დაკავშირებით განისაზღვროს საკონკურსო კომისიის შემადგენლობა:
 - ა) **დავითი კვიციანი** - ქალაქ ფოთის მუნიციპალიტეტის მერის პირველი მოადგილე, **კომისიის თავმჯდომარე**;
 - ბ) **ვასილ თოდუა** - ქალაქ ფოთის მუნიციპალიტეტის მერიის საფინანსო-საბიუჯეტო და შესყიდვების სამსახურის უფროსი, **კომისიის წევრი**;
 - გ) **გიორგი ჩიქობავა** - ქალაქ ფოთის მუნიციპალიტეტის მერიის ინფრასტრუქტურის სამსახურის უფროსი, **კომისიის წევრი**;
3. კომისიის თავმჯდომარის არყოფნის შემთხვევაში, თავმჯდომარის მოვალეობა დაეკისროს, კომისიის წევრს, ქალაქ ფოთის მუნიციპალიტეტის მერიის საფინანსო-საბიუჯეტო და შესყიდვების სამსახურის უფროსს **ვასილ თოდუას**.
4. ბრძანების მე-2 მუხლში მითითებული საჯარო მოხელეების სამსახურეობრივი უფლებამოსილების შეჩერების პერიოდში, მათი უფლებამოსილების განხორციელება, წინამდებარე ბრძანების საფუძველზე, უზრუნველყონ იმ საჯარო მოხელეებმა, რომლებიც შეასრულებენ დროებით არმყოფი საჯარო მოხელეების მოვალეობას.
5. ქალაქ ფოთის მუნიციპალიტეტის ადმინისტრაციულ საზღვრებში რეგულარული სამგზავრო გადაყვანის ნებართვის გაცემასთან დაკავშირებით განისაზღვროს ქალაქ ფოთის მუნიციპალიტეტის მერიის ინფრასტრუქტურის სამსახურის საჯარო მოსამსახურეებისაგან შექმნილი სამუშაო ჯგუფის შემადგენლობა:
 - ა) **კახაბერ მაშავა** - ქალაქ ფოთის მუნიციპალიტეტის მერიის ინფრასტრუქტურის სამსახურის უფროსის მოადგილე, სამუშაო ჯგუფის წევრი;
 - ბ) **იაგორ რომანაშვილი** - ქალაქ ფოთის მუნიციპალიტეტის მერიის ინფრასტრუქტურის სამსახურის, ტრანსპორტის განყოფილების უფროსი, სამუშაო ჯგუფის წევრი;
 - გ) **ლელა გოგელიძე** - ქალაქ ფოთის მუნიციპალიტეტის მერიის ინფრასტრუქტურის სამსახურის, ტრანსპორტის განყოფილების მეორე კატეგორიის უფროსი სპეციალისტი, სამუშაო ჯგუფის წევრი;

დ) ნუგზარ ალანია - ქალაქ ფოთის მუნიციპალიტეტის მერიის ინფრასტრუქტურის სამსახურის, მუნიციპალური ინფრასტრუქტურის განვითარების, დაგეგმვისა და კოორდინირების განყოფილების უფროსი, სამუშაო ჯგუფის წევრი;

ე) თემური ოდიშარია - ქალაქ ფოთის მუნიციპალიტეტის მერიის ინფრასტრუქტურის სამსახურის, მუნიციპალური ინფრასტრუქტურის განვითარების, დაგეგმვისა და კოორდინირების განყოფილების პირველი კატეგორიის უფროსი სპეციალისტი, სამუშაო ჯგუფის წევრი;

სამუშაო ჯგუფი ვალდებულია მოახდინოს საკონკურსოდ წარდგენილი ავტოსატრანსპორტო საშუალების შემოწმება, შეფასება, სათანადო დასკვნის შედგენა და სხვა დოკუმენტაციის მომზადება.

6. ქალაქ ფოთის მუნიციპალიტეტის ადმინისტრაციულ საზღვრებში რეგულარული სამგზავრო გადაყვანის ნებართვის გაცემასთან დაკავშირებული საკონკურსო განცხადება **(დანართი 1)** გამოქვეყნდეს ქალაქ ფოთის მუნიციპალიტეტის მერიის ვებ. გვერდზე <http://www.poti.gov.ge>.

7. განისაზღვროს ქალაქ ფოთის მუნიციპალიტეტის ადმინისტრაციულ საზღვრებში რეგულარული სამგზავრო გადაყვანის ნებართვის გაცემასთან დაკავშირებული, საკონკურსოდ გათვალისწინებული რეგულარული მარშრუტის ნომრები, მარშრუტზე მომუშავე (სამუშაო დღე) ავტოსატრანსპორტო საშუალებათა რაოდენობა, სახეობა და მუშაობის დაწყება-დასრულების დრო და ინტერვალი თანახმად **დანართი 2-ისა**.

8. განისაზღვროს კონკურსის მოწყობის ადგილი - ქალაქი ფოთი, დავით აღმაშენებლის ქუჩა N12, კონკურსის ჩატარების თარიღი და დრო - 2024 წლის 17 ივლისი 12:00 საათი, ხოლო საკონკურსოდ წარმოდგენილი ავტოსატრანსპორტო საშუალება შეფასდეს ნებართვის მაძიებლის კონკურსში დაშვებიდან 2024 წლის 12 ივლისიდან 15 ივლისის ჩათვლით, შესაბამისი გეგმა-გრაფიკის მიხედვით, შემდეგ მისამართზე: ქალაქი ფოთი, დანელიას ქუჩა N39-ის მიმდებარედ.

9. განისაზღვროს საკონკურსო პირობები, კერძოდ:

ა) „ქალაქ ფოთის მუნიციპალიტეტის ადმინისტრაციულ საზღვრებში რეგულარული სამგზავრო გადაყვანის ნებართვის გაცემის ფასის განსაზღვრის, ნებართვის გაცემისთვის კონკურსის ჩატარებისა და ნებართვის გაცემის ფასის გადახდის წესის დამტკიცების შესახებ“ ქალაქ ფოთის მუნიციპალიტეტის საკრებულოს 2021 წლის 13 აპრილის N5/10 დადგენილების მოთხოვნების შესაბამისად.

ბ) ქალაქ ფოთის მუნიციპალიტეტის საკრებულოს 2021 წლის 27 აპრილის N6/11 დადგენილების თანახმად, M3 კატეგორიის იმ ავტობუსებით, სადაც მგზავრობის ფასის გადახდა სორციელდება ელექტრონული აღმრიცხველი საშუალებების გამოყენებით, 50% შეღავათიანი მგზავრობით ისარგებლებენ ქალაქ ფოთში რეგისტრირებული (მცხოვრები) შემდეგი კატეგორიის მოქალაქეები:

ა) მეორე მსოფლიო ომის ვეტერანები და მათთან გათანაბრებული პირები;

ბ) საქართველოს ტერიტორიული მთლიანობის, თავისუფლებისა და დამოუკიდებლობისათვის საბრძოლო მოქმედებების ვეტერანები და მათთან გათანაბრებული პირები;

გ) სხვა სახელმწიფოთა ტერიტორიებზე საბრძოლო მოქმედებების ვეტერანები და მათთან გათანაბრებული პირები;

დ) სამხედრო ძალების ვეტერანები;

ე) მკვეთრად გამოხატული მეზღუდული შესაძლებლობის მქონე პირები.

მგზავრობის გადასახადისაგან სრულად თავისუფლდება ქალაქ ფოთში რეგისტრირებული (მცხოვრები) შემდეგი კატეგორიის მოქალაქეები:

ა) 0-6 წლამდე ბავშვები;

ბ) სკოლის მოსწავლეები (24 საათში 2-ჯერ);

გ) ა(ა)იპ „ქალაქ ფოთის მუნიციპალიტეტის სოციალური მომსახურების ცენტრის“ ბენეფიციარები, მედდები და ექიმები.

დ) ა(ა)იპ კოალიცია „სოციალური რეფორმებისათვის“ დღის ცენტრის თანამშრომლები;

ე) მეზღუდული შესაძლებლობის მქონე უსინათლო პირები და გადაადგილებისას მათთან ერთად მყოფი დამხმარე ნებისმიერი პირი.

ტრანსპორტით მომსახურების ღირებულება განისაზღვრება 50 თეთრის ოდენობით.

10. ქალაქ ფოთის მუნიციპალიტეტის საკრებულოს 2021 წლის 13 აპრილის N5/10 დადგენილების დანართი N2-ის მე-4 მუხლის პირველი პუნქტის თანახმად კონკურსში გამარჯვებულმა, ქალაქ ფოთის მუნიციპალიტეტის ადმინისტრაციულ საზღვრებში რეგულარული სამგზავრო გადაყვანის განხორციელების უფლების მინიჭებამდე წინასწარ უნდა გადაიხადოს 1 (ერთი) თვის თანხა, ხოლო ერთი თვის შემდეგ ყოველ თვე 1 (ერთი) თვის გადასახდელი თანხის ოდენობით არაუგვიანეს ყოველი თვის ბოლო დღისა, წინააღმდეგ შემთხვევაში, საქართველოს ადმინისტრაციულ სამართალდარღვევათა კოდექსის 135-ე მუხლის (ადგილობრივი საქალაქო რეგულარული სამგზავრო გადაყვანის განხორციელება სანებართვო პირობების დარღვევით) თანახმად ნებართვის მფლობელი დაჯარიმდება 100 (ასი) ლარის ოდენობით.

11. განისაზღვროს კონკურსში მონაწილეობისათვის საჭირო დოკუმენტების ჩამონათვალი, კერძოდ: განცხადება, განცხადებას თან უნდა დაერთოს:

ა) კერძო სამართლის იურიდიული პირისა და ინდივიდუალური მეწარმისათვის მეწარმეთა, არასამეწარმეო (არაკომერციული) იურიდიული პირების რეესტრიდან ამონაწერები;

ბ) ნებართვის მაძიებლის მფლობელობაში არსებული და კონკურსზე წარსადგენი ავტოსატრანსპორტო საშუალების სარეგისტრაციო მოწმობის, ავტოსატრანსპორტო საშუალების პერიოდული ტექნიკური ინსპექტირების (გამოცდა) გავლის დოკუმენტის ქსეროასლები, ლიზინგის ან იჯარის ხელშეკრულების შემთხვევაში ხელშეკრულების ასლები.

გ) დოკუმენტაცია მარშრუტზე განსახორციელებელი საქმიანობის ტექნიკურ-საექსპლუატაციო და სხვა მაჩვენებლების შესახებ, რომელშიც ასახული უნდა იყოს:

გ.ა) მგზავრთა გადაყვანის განსახორციელებლად გამოსაყენებელი სატრანსპორტო საშუალების მარკა, მოდელი, ტევადობა, სარეგისტრაციო და საიდენტიფიკაციო ნომრები, ხნოვანება (გამოშვების წელი).

- დ) ნებართვის მაძიებლის მიერ წარმოდგენილი სატრანსპორტო საშუალების შესაბამისი კატეგორიის მძღოლის/მძღოლების მართვის მოწმობა (თითოეული სატრანსპორტო საშუალების მიხედვით);
- ე) მძღოლის/მძღოლების ჯანმრთელობის ცნობა (ფორმა N100).
- ვ) კონკურსანტი ვალდებულია წარმოადგინოს საკონკურსო პირობებთან ერთად მგზავრთა გადაყვანის სავარაუდო ღირებულების ზედა ზღვარი, რომელიც არ შეიცვლება ნებართვის მოქმედების პერიოდისთვის.
- ზ) ნებართვის მოქმედების პერიოდისთვის მგზავრთა გადაყვანის ზედა ზღვრის შეცვლა დასაშვებია მხოლოდ ნებართვის გამცემ ორგანოსთან შეთანხმებით ფასწარმოქმნის მექანიზმში არსებული ძირითადი კომპონენტების დასტურის საფუძველზე, რომელიც არ იქნება 10%-ზე ნაკლები.
12. საკონკურსო განაცხადის მიღება დათავრდება, 2024 წლის 10 ივლისს 17:00 საათზე, (მისამართი: ქალაქ ფოთი, აღმაშენებლის ქუჩა N12).
13. საკონკურსო კომისიის სრული მისამართია, ქალაქი ფოთი, დავით აღმაშენებლის ქუჩა N12;
14. განისაზღვროს საკონკურსოდ წარმოდგენილი ავტოსატრანსპორტო საშუალებების მიმართ წაყენებული მოთხოვნები და კონკურსის მონაწილე ნებართვის მაძიებლის შეფასების კრიტერიუმები თანახმად დანართი 3 -ისა;
15. კომისიამ, სამუშაო ჯგუფის მიერ, საკონკურსოდ წარმოდგენილი სატრანსპორტო საშუალების შემოწმებამდე (არაუგვიანეს 2024 წლის 12 ივლისი) დაადგინოს საკონკურსოდ წარმოდგენილი დოკუმენტაციის შესაბამისობა საკონკურსო პირობებთან. **აღნიშნული პროცედურის დროს მოწმდება:**
- ა) სრულად არის თუ არა წარმოდგენილი ყველა საჭირო დოკუმენტაცია;
- ბ) შეესაბამება თუ არა წარმოდგენილი დოკუმენტაცია საკონკურსო პირობებით დადგენილ მოთხოვნებს.
16. ნებართვის მაძიებელი უფლებამოსილია დოკუმენტაციის მიღების ვადის დასრულებამდე მოახდინოს დაშვებული შეცდომების უზუსტობების გასწორება.
17. კომისია ნებართვის მაძიებელთა კონკურსში დაშვების თაობაზე გადაწყვეტილების მიღების შემდეგ, მასალების საჯარო განხილვის მიზნით აქვეყნებს (ვებ. გვერდზე [http://www.poti.gov.ge.](http://www.poti.gov.ge)) ცნობას, სადაც მითითებული უნდა იყოს:
- ა) არსებული რეგულარული საქალაქო მარშრუტის ნომერი და მასზე სამგზავრო გადაყვანის ნებართვის მისაღებად კონკურსზე დაშვებული ნებართვის მაძიებლ(ებ)ის სრული დასახელება;
- ბ) ინფორმაცია საკონკურსო დოკუმენტაციის ვაცნობისათვის წერილობითი შენიშვნების და მოსაზრებების წარდგენის ვადების შესახებ;
18. ის საკითხები, რომლებიც არ არის დარეგულირებული აღნიშნული ბრძანებით რეგულირდება, ქალაქ ფოთის მუნიციპალიტეტის საკრებულოს 2021 წლის 13 აპრილის №5/10 დადგენილებით „ქალაქ ფოთის მუნიციპალიტეტის ადმინისტრაციულ საზღვრებში რეგულარული სამგზავრო გადაყვანის ნებართვის გაცემის ფასის განსაზღვრის, ნებართვის გაცემისთვის კონკურსის ჩატარებისა და ნებართვის გაცემის ფასის გადახდის წესის დამტკიცების შესახებ“ და მოქმედი კანონმდებლობით.
19. კონკურსში გამარჯვებული ვალდებულია წარმოდგენილ სატრანსპორტო საშუალებაზე დასასაქმებელი კონტინგენტის (მძღოლების) შერჩევას უპირატესობა მიენიჭოს ქალაქ ფოთის მუნიციპალიტეტში 2022-2023 წლებში ადგილობრივ ტერიტორიულ საზღვრებში საქალაქო რეგულარული მგზავრთა გადაყვანაზე რეგისტრირებულ მძღოლების დასაქმებას.
20. ძალადაკარგულად გამოცხადდეს ქალაქ ფოთის მუნიციპალიტეტის მერის 2023 წლის 21 ივნისის N42.42231729 ბრძანება „ქალაქ ფოთის მუნიციპალიტეტის ადმინისტრაციულ საზღვრებში რეგულარული სამგზავრო გადაყვანის ნებართვის გაცემასთან დაკავშირებით კონკურსის გამოცხადებისა და გასატარებელი ღონისძიებების შესახებ“.
21. საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, ბრძანება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მის. ქალაქი ფოთი, დავით აღმაშენებლის ქუჩა №3).
22. ბრძანება გამოიკრას საჯაროდ ქალაქ ფოთის მუნიციპალიტეტის ადმინისტრაციულ შენობაში.
23. ბრძანება გამოქვეყნდეს ქალაქ ფოთის მუნიციპალიტეტის მერიის ვებ-გვერდზე [http://www.poti.gov.ge.](http://www.poti.gov.ge)
24. ბრძანება ძალაშია ხელმოწერისთანავე.

ბექა ვაჭარაძე

ქალაქ ფოთის მუნიციპალიტეტის მერია-ქალაქ ფოთის მუნიციპალიტეტის მერი

გამოყენებულია კვალიფიციური ელექტრონული ხელმოწერა/ ელექტრონული შტამპი



